

: ástv evã 'yám bhógâyé 'ti sá uksha-vaçáh sám abha-
 vad, yál lóhitam parã-'patat tát rudrá úpâ 'grihñât
 sã raudrĩ róhinî vaçã 'bhavad | bārhaspatyã¹ çiti-prish-
 thãm ã labheta brahmavarcasá-kâmo; bṛihaspátim¹ evá
 svéna bhâga-dhéyenó 'pa dhâvati, sá evã 'smin brahma-
 -varcasám dadhâti, brahma-varcasý evá bhavati; chándas-
 sâm vã eshá rásó yád vaçã, rása iva khálu || 2 || vai
 brahma-varcasám, chándasâm evá rásena rásam brahma-
 -varcasám áva runddhe² | maitrâ-varuñĩm dvi-rûpãm
 ã labheta vṛishti-kâmo; maitrãm vã áhar³ vârunĩ rãtrir,
 aho-rãtrãbhyãm khálu vai parjányo varshati, mitrã-vârunãv
 evá svéna bhâga-dhéyenó 'pa dhâvati, tãv evã 'smâ aho-
 -rãtrãbhyãm parjányam varshayataç; chándasâm vã eshá
 rásó yád vaçã, rása iva khálu vai vṛishtiç, chándasâm evá
 rásena || 3 || rásam vṛishtim áva runddhe² | maitrâ-varu-
 ñĩm dvi-rûpãm ã labheta prajã-kâmo; maitrãm vã áhar³
 vârunĩ rãtrir, aho-rãtrãbhyãm khálu vai pra-jãh prá jã-
 yante, mitrã-vârunãv evá svéna bhâga-dhéyenó 'pa dhâ-
 vati, tãv evã 'smâ aho-rãtrãbhyãm pra-jãm prá janayataç,
 chándasâm vã eshá rásó yád vaçã, rása iva khálu vai
 pra-jã, chándasâm evá rásena rásam pra-jãm áva || 4 ||
 runddhe² | vaiçva-devĩm bahu-rûpãm ã labhetã 'nna-
 -kâmo; vaiçva-devãm vã ánnam, víçvân evá devãnt svéna
 bhâga-dhéyenó 'pa dhâvati, tá evã 'smâ ánnam prá ya-
 chanty, annã-'dá evá bhavati, chándasâm vã eshá rásó yád
 vaçã, rása iva khálu vã ánnam, chándasâm evá rásena
 rásam ánnam áva runddhe² | vaiçva-devĩm bahu-rû-
 pãm ã labheta grãmá-kâmo; vaiçva-devã vai || 5 || sa-
 -jâtã, víçvân evá devãnt svéna bhâga-dhéyenó 'pa dhâvati,

7. ² runddhe ABCDW.³ so (ahar) ABW, s. P. 8, 13.